



Board of Directors

24. juli, 2009

Haris Alibašić
President

Meliha Pihura
Vice President

Ferid Sefer
Secretary

Uzeir Ramić
Treasurer

Semir Đulić
Spokesperson

Amir Makarević

Burhan Bey Husika

Daniel Toljaga

Dževad Burić

Hamdija Čustović

Haris Šuko

Kemal Hamulić

Mirsad Smajić

Rusmin Topalović

Sanel Babić

Predsjedavajući Predsjedništva BiH, Željko Komšić
Član Predsjedništva BiH, Nebojša Radmanović
Član Predsjedništva BiH dr. Haris Silajdžić
Sven Alkalaj, Ministar vanjskih poslova BiH

Poštovani:

Kongres Bošnjaka Sjeverne Amerike (KBSA) je zabrinut saopćenjem Ambasade Bosne i Hercegovine u Washington D.C. u i Generalnog konzulata Bosne i Hercegovine (GK BiH) u Čikagu, pod direkcijom Ministarstva vanjskih poslova (MVP), povodom implementacije novog sistema o biometrijskim pasošima. U saopćenju, Konzulat je informirao državljane Bosne i Hercegovine koji borave u Sjedinjenim Američkim Državama (SAD) da zbog implementacije novog biometrijskog sistema, neće više imati mogućnost da podnose zathjeve za pasoše putem pošte, nego da ubuduće moraju zakazivati termin u jednom od samo dva diplomatsko-konzularna predstavništva (DKP) u Sjedinjenim Američkim Državama.

KBSA razumije neophodnost implementacije biometrijskog sistema za pasoše, naročito nakon posljednjih vijesti o nastavku viznog režima Europske Unije za državljane Bosne i Hercegovine, Bošnjake, ali je iznenađen činjenicom da će jedna od najbrojnijih dijaspora nepravedno snositi teret za nedostatak planiranja i pristranom ponašanju MVP. Činjenica je da su Sjedinjene Američke Države teritorijalno veće od Europe ali ipak imaju samo dva DKP-a koji ne mogu da adekvatno služe konzularne potrebe od više stotina hiljada državljana Bosne i Hercegovine koji borave u Sjedinjenim Američkim Državama. S druge strane, u Europi postoji više od 20 DKP predstavništva uključujući i u državama sa veoma malim brojem građana BiH kao što su Mađarska, Rumunija, Bugarska, Makedonija i druge.

Osnovni problem sa novom procedurom o zahtjevu novih pasoša je da nepravedno polaže ogromni teret na državljane Bosne i Hercegovine koji borave u SAD. Na primjer, državljani Bosne i Hercegovine koji borave u državi Kaliforniji moraju napraviti termin sa Konzulatom u Čikagu i putovati više od 3000 kilometara samo da bi mogli podnijeti zahtjev za pasoš. Osim financijskog tereta koje predstavlja putovanje avionom na velike razdaljine, također treba uzeti u obzir prepreke vezane sa

**Board of
Directors**

Haris Alibašić
President

Meliha Pihura
Vice President

Ferid Sefer
Secretary

Uzeir Ramić
Treasurer

Semir Đulić
Spokesperson

Amir
Makarević

Burhan Bey
Husika

Daniel
Toljaga

Dževad
Burić

Hamdija
Čustović

Haris
Šuko

Kemal
Hamulić

Mirsad
Smajić

Rusmin
Topalović

Sanel
Babić

životnim obavezama kao što su nemogućnost izostanka s posla, škole, te obaveze prema obitelji i djeci. Uzimajući u obzir sve poteškoće i troškove, obični zahtjev za pasoš bi koštao više od 1500 dolara. Ovo je prosto neodrživ i nerealan process i mora se bez odlaganja osloviti, jer svi državljani Bosne i Hercegovine treba da imaju pravo na neometane konzularne usluge.

Nove procedure diskriminiraju državljane Bosne i Hercegovine koji žive u Sjedinjenim Američkim Državama i narušavaju njihovo pravo na konzularne usluge i održavanje odnosa sa domovinom. Iste također mogu rezultirati u otuđivanje BiH dijasporu i razočarenje sa svojom domovinom. Važno je shvatiti da bi ovo bio tragičan rezultat ne samo za dijasporu nego i za državu Bosnu i Hercegovinu. Ne smijemo podcjeniti vrijednost državljanina Bosne i Hercegovine koji borave u SAD što se tiče njihovog utjecaja na Bosnu i Hercegovinu u političkom, kulturnom, i ekonomskom pogledu. Ne treba zaboraviti da su Sjedinjene Američke Države svjetska ekonomska, politička velesila i prijatelj Bosne i Hercegovine.

Imperativno je da se formulira rješenje koja je realno i održivo za državljane Bosne i Hercegovine u Sjedinjenim Američkim Državama, i koja bi isto tako osigurala uspješnu implementaciju sistema za biometrijske pasoše. Nelogično da Sjedinjene Američke Države sa daleko većim geografskim prostorom i daleko većom populacijom državljanina Bosne i Hercegovine nije tretirana kao zemlje EU i zapadne Europe. Vlada SAD je potpisnica Daytonskog sporazuma i prijatelj BiH i sa najvećim brojem državljanina BiH u inostranstvu i kao takva treba da se ravnopravno tretira.

Kao dugoročno rješenje predlažemo da se otvori veći broj DKP-ova u Sjedinjenim Američkim Državama kako bi se ubuduće bolje služile građanske konzularne potrebe.

Nadamo se da ćete saslušati naš poziv i poduzeti odgovarajuće mjere da oslovite ovaj problem.

S poštovanjem,

Mr. Haris Alibašić
Predsjednik Upravnog odbora KBSA